

ches gebrauch eusserlich zu verdorbenen / insonder-  
 heit in Cancrosischen giftigen vnd vmb sich fres-  
 senden Schäden noch besser ist als das Oleum  
 Antimonii, solche damit zu tödten / reinigen / vnd  
 das gute vom bösen zu scheiden.

Auff solche Weise mit Spiritu Salis können auß  
 allen Realgaribus corrosivische Olea, eusserlich  
 zugebrauchen gemacht werden.

## C A P U T    X X I I I .

## Oleum Lapidis Calaminaris.

**N**umb guten Actischen Gallmen / welcher schön  
 geht oder roth ist / mach solchen zu einem zarten  
 Pulfer / thu solches in ein Kolben-glas / vnd gieß  
 5. oder 6. mal so viel / dann feiner ist / guten rectifi-  
 cirten Spiritum Salis darauff / schwencke vnd mi-  
 sche solchen wol mit dem Gallmen / laß es nicht  
 lang stehen / sondern schüttele vnd schwencke das  
 Glas bald wieder / vnd solches muß zum offtern  
 geschehen / sonsten wann man solches nicht thut / so  
 wirdt ein harter Stein auß dem Gallmen in dem  
 Glas / welcher sich nicht mehr will erweichen oder  
 solviren lassen / welchem man dann mit offt schüt-  
 teln vorkommen kan / ehe solches geschieht.

Vnd wann er in der Kälte nicht mehr solviren  
 will / so setze das Glas in einen warmen Sand /  
 vnd laß so lang stehen / biß der Spiritus Salis hoch  
 geht davon worden ist / dann gieß solchen ab / vnd